

晚晴
籀詩
匯

張氏平

子通

馬氏家藏

晚晴移詩匯敘

晚晴移詩匯都爲二百卷御製外得六千一百五十九家
歲在屠維將付剞劂甄采周紀薈萃清英乘邇之途較然
可監摯虞流別總集肇端昭明陳辭沈思是尙選詩故事
莫盛於唐國秀篋中極元御覽中興間氣河岳英靈起例
諸編允爲凱式宋明纂輯未饜縹緗江湖中州元音國雅
具體嗟微流風未沫順康文學照映昌時七子餘波見譏
糟粕勝流南北姓字如林符孟覆輿坦園秋水孤芳負響
矜服前修江左嶺南甯云多讓漁洋旣出神韻獨標壇坫
迭張詞流鋒起聲光所被爰逮乾嘉支葉繁滋更僕難數
歸愚守宗法隨園主性靈標榜偶緣蔚爲風會道咸以後
湘鄉低首西江湘綺導源漢魏廣雅衰然振奇鬱起宏開

幕府奄有眾長季世說詩祧唐宗宋初慕後山嗣重宛陵
寢遠蘇黃稍張楊陸三百年間詩滿天地綜其卓絕約有
數端廟堂鉅製炳若日星鴻博兩徵召試彙舉柏梁聯句
朝元詠歌雅道既興流飈斯廣查田太液賜諭煙波竹垞
南齋言思賤日狘鞍酋長湛露興謠麟窟天孫采風載錄
靈珠在握蠻微姚聲詩教之盛此其一也考据之學後備
於前金石之出今富於古海雲鼎籀紀事西樵杜陵銅槃
徵歌石筍鐘彝奇字敷以長言碑碣荒文發爲韻語肴核
墳典粉澤蒼凡并足證經亦資補史蘇齋備體雷塘嗣音
滂熹洽聞瓶廬精鑒詩道之尊又其一也中葉而降文網
漸疏黨錮不興風人多刺寶雞題壁秋蟬成吟龍壁從軍
淋漓篇什蘿菴選韻想望承平感物撫時微辭貞義拾遺

直筆契厥精深長慶新篇舉以諷諭詩事之詳又其一也
海通以後聞見日恢三山引舟八紘置驛倚衡奉使夢詠
波濤入境羈賓集開世界蘭闥唱諾瘡莖諧聲槎路低徊
蕤齋珥筆能言四裔散見諸家興寓竹枝目營卉服輶軒
游履極跡區寰拓實摭華萼焉博物詩境之新又其一也
凡茲四者均異前規陶鎔英詞馳騫新作春蘭秋蕙異畹
同芳藍脇號鐘應萍協奏風美所扇鼓舞方來上軼元明
自成軌範昔所著錄如貞菴溯洄伯璣國雅思九詩選孝
威詩觀感舊篋衍之本別裁正雅之音湖海詩傳熙朝雅
頌原其爲體取舍因時雖各成書殆同獨賞關河歲莫往
哲脩然哀輯閱編廣爲甄寫上自廟廊章製下及山澤歌
謠宗室閨秀方外屬國品酌往例胥入網羅吳之振宋詩

鈔顧嗣立元詩選虞山列朝之集秀水詩綜之編取則差
同瞠塵恐後石倉墜簡幸免劫灰滄海遺珠冀歸冥契江
東昭諫天祐登名建昌季常荆南綴詠義非吾炙任重藏
山采拾舊聞羽翼淳史民風升降朝局隆汙績學藻鏡借
曰苑宣藝圃沈酣自嗟蠡測爰抒緒論綴厥簡端誦詩觀
風庶有擇焉民國十八年十二月天津徐世昌

晚晴移詩匯凡例

一選詩義例本諸竹垞明詩綜參以漁洋感舊歸愚別裁
不分同異薈萃眾長惟尙神思務屏僞體自名大家外
要皆因詩存人因人存詩二例並用而蒐逸闡幽尤所
加意

一九朝御製超越前代詩集浩繁非管蠡所能窺測恭錄
冠首不盡萬一詩後謹綴案語明詩綜備列帝諱諡號
全唐詩亦有之今以時代較近從省不書
一樂章多出御製依全唐詩例次於御製詩後謹綴案語
與御製詩同

一明詩綜諸王列諸家前宗人列諸家後隔越太遠今參
用文穎雅頌集例先錄諸皇子卽繼以王公凡宗人受

爵及未登仕籍者皆入焉中葉以後宗人多以科目進
覺羅疏族尤與庶姓無異均依行輩類入全編

一明末諸遺老雖有明詩綜已收者今仍擇尤編錄從祀
諸儒別爲一卷冠其前

一諸家有科目者以科目爲次無科目者依時代以次間
列亦有以子從父以弟從兄不論科分者此爲變例

一竹垞曾舉閩秀詩選本之多而以眞贋交錯爲病故明
詩綜止列一卷近代名媛相望志傳可徵未能過約取
其淵源有自及常見名人專集者

一明末遺民率遯方外朱噉之謫流衍寢廣雍乾以還人
慕風雅道釋依坳篇翰繇興而弋名者眾抉擇宜嚴取
其清修自好不墜宗風者

一明詩綜選朝鮮日本人詩茲編則以朝鮮安南越南琉球爲斷取其觀光上國會與名人酬唱者

一從前選家懼涉標榜往往不錄生存茲編亦從其例凡所甄采以清代爲斷

一選家好奇矜博類坵垆詩鬼語里諺村謠或涉誕妄或近游戲明詩綜亦有之茲皆不錄

一詩家派別紛歧歷來操選政者意爲愛憎遂不免有所軒輊茲所采錄不設成心吳孟舉所謂一代之中各家俱存一家之中各法俱在良同此意

一名大家風行海內務采其尤以示規範其非專家往往易歸淪闕或偶得孤本或轉假傳鈔亦有采自各省方志及總集者每從寬取冀其流傳入選多寡不以詩名

爲定

一詩話紀事求實持論從平國故鄉聞不取野語品評詩派絕無門戶之見

一明詩綜小傳下采輯評語冠以某人云當時風尚如是康熙以後此例漸稀茲編間采評語皆擇其最著者意取矜慎甯闕無濫

一選竣付梓校讐至重間有原本譌奪者依校書通例甯仍其舊不輕增改

晚晴移詩匯總目卷上

卷一

世祖章皇帝

聖祖仁皇帝

世宗憲皇帝

卷二

高宗純皇帝

卷三

仁宗睿皇帝

宣宗成皇帝

文宗顯皇帝

穆宗毅皇帝

德宗景皇帝

卷四

世宗憲皇帝御製耕藉樂章

高宗純皇帝御製大雩樂章

盛京大燕世德舞樂章

鄉飲酒禮樂章

平定兩金川凱歌

卷五

鎮國公高塞

理密親王允祔

誠隱郡王允祉

恆溫親王允祺

涖度親王允祐

履懿親王允禩

怡賢親王允祥

愉恪郡王允禩

莊恪親王允祿

果毅親王允禮

慎靖郡王允禧

誠恪親王允祕

卷六

和恭親王弘晝

果恭郡王弘瞻

履端親王永瑛

質莊親王永瑤

成哲親王永理

貝勒永璫

惠端親王綿愉

恭忠親王奕訢

醇賢親王奕譞

孚敬郡王奕譔

卷七

原封勤郡王蘊端

追封簡親王福存

貝子吞珠

輔國公德普

平敏郡王福彭

追封莊親王弘普

明倫彙編 家範典 卷八

怡僖親王弘曉

甯良郡王弘晈

輔國公弘曠

原封貝子弘昉

康修親王崇安

原封輔國公恆仁

卷八

輔國公永璚

追封禮親王永奎

鄭恭親王濟哈納

睿恪親王如松

貝勒奕繪

瑞敏郡王奕誌

鎮國公奕詢

鄭愼親王烏爾恭阿

睿恭親王溥穎

原封輔國公裕瑞

輔國公晉昌

原封輔國公禧恩

定敏親王載銓

貝勒載澂

貝勒載滢

肅忠親王善耆

貝勒毓朗

卷九

博爾都

塞爾赫

文昭

卷十

福喜

福靜

伊都禮

鄂洛順

弘駿

弘昂

永珏

永年

書誠

永忠

敦敏

敦誠

遐齡

卷十一

孫奇逢

王夫之

顧炎武

黃宗羲

陸世儀

張履祥

顏元

卷十二

傅山

孫枝蔚

李容

李柏

王宏撰

魏際瑞

魏禧

魏禮

彭任

朱議雋

彭士望

李騰蛟